



Claud

V7
123

Si nomen, meum queris claudius, plenus
amoris, sub meo cognomine, ~~claudius~~

esse,

Nunc ego iuncta mea cum sinu amantia
iuncta

A populo sax is praeconante peto,

pena
(21)

en 6

F. 25.

Al Excmo. Sr. D. Juan de los Rios

Xaragüemades

#6

Madrid. Año de 1783

J. M. A.

1835ⁿ

LEMOVLMENT. Cler & vray cōcernant l'auctorite du Roy. Le prouffit de ses affaires & subiectz en l'obseruation de ceste figure selon les articles

Ly apposez. [REDACTED]



ES. AFFAIRES. DV. ROY. ne seront plus subiectz a ses finances comme ilz ont este si dauant combien que lesdictz finances soiēt pour soubzuenir ausdictz affaires. [REDACTED]


Esdictz affaires du Roy seront tenuz plus secretz quilz nont este car il est aduenu le plus souuent q par les acquitz que les financiers ont voulu auoir causes & recouuremens des deniers faitz au moyen desdictz acquitz lesdictz affaires ont este sceuz & manifestes auant que de comācer a les executer.


Esdictz affaires dudict seigneur seront plus promptement executees entant que son argent sera content. Et ne fauldra attendre le recouurement de ses deniers pour lesdictz affaires. [REDACTED]

L ne conuierdra plus riens auancer audict seigneur par personnes estranges ne luy faire prestz. Et puis bail

ter assignations pour le remboursemens
de telz personages & en sera oustee loc-
casion de ainly dire & faire. Et n'ya p-
sonnage si puissant qui puisse faire les
ditz prestz auancemens, car il na minie-
re dor ne d'argent. Et en tout cas le Roy
paie tout puis apres ala perte & diminu-
tion de ses finances en fraiz doubles en
mises en taxations & autres causes in-
uentees dont on lieue communement

Lacquié. 
Es financiers ne feront plus de
restes au Roy come ilz ont fait & iusq's
a banque rotte. 

LOccasion de perte de finances sera
oustee & verra ledit seigneur
iulques a vng denier ou les finances ont
este emploiez & en tout temps. 

LEdict seigneur verra dauant luy
en les affaires le quel facilement
viendra au dessus de selditz affaires
sera craint & ayme de tous & doute
par ses ennemys pour sa sagesse & pro-
uidence bonne reigle par meure con-
duite. 

3
A ce que le Roy ait ses finances proprement & dicelles il se puisse aider sans retardement. Aussi quil en ait la cōgnoissance en tout temps tant en recepte que despens par maniere claire & euitec les fraiz a recouurer les deniers fault faire ce que sensuyt.

ES. DENIERS. ordinaires en chascune generalite consistet en tailles autrement fouages aides impositions equiuallens traictiez ordinaires vendition de sel en grenier par gabelle & autrement & on droit du quart du sel ou il nya grenier.

Article des tailles.

Pour scauoir la recepte par le Roy. fault que chascun general en sa charge dedans le premier mois de lan apporte. ou enuoye deuers le Roy par registre au vray signe de luy. Le departement quil aura fait des tailles en chascune recepte de sa generalite contenant cōbien par quartier chascune recepte monte & en doibt reuenier au roy, desditz les gaiges de son recepueur general de chascun recepueur & daultre officier. Et au

parauant ce pourra faire expedier les com-
missions necessaires a leuer lesdictz tailles
selon le vouloir du Roy. Et es generalites
ou lon a acoustume tenir estat apres
lesdictz estatz tenus fera ledi^e general
le registre de departement come dessus

Es generalites ou il ya aides im-
postz equivaillens traictes & autres
semblables subides le general ou sont le-
uez telz deniers en fera registre au vray
selon les fermes qui recouvrera des eleuz
ou autres qui auront baille lesdictz fer-
mes. le quel signera & enuoirra come ce-
luy des tailles dedans la fin du premier
quartier. Et a semblable du droit de quart
du sel le quel sera baille a ferme.

Et des gabelles & sel vendues gre-
niers pour ce que du prouffit de
telles gabelles & vendition de sel lon ne
peult auoir la vraye estimation iusques
a la fin de lan. Car par vne annee est
vendu & distribue plus de sel que en
lautre: ledi^e general en sa charge a la
fin de l'anree, en fera registre au vray
quil signera & enuoirra come dessus.

4
deniers ledict seigneur.

Chacun general sera tenu resider
& faire sa demeure en sa charge
au lieu le plus commode pour les rece-
ueurs particuliers grenetiers & autres
qui ont le maniment des finances en
recepte & aura avec luy son recepueur
general qui a semblable fera sa residen-
ce & demeure audit lieu.

Edict general pour surette des
deniers prandra plaige suffisant
de chascun recepueur particulier pour
autant que monte vng quartier de sa re-
cepte. Et fera semblable aux grenetiers &
autres qui auront maniment de deniers

en sa charge.

En lestat & registre des tailles ou
fouages comprendra ce q chascun quartier
de recepte monte & desduira par quartier
les gaiges de chascun recepueur daultres
officiers ensemble ses gaiges de son recep-
ueur general. le declairera par ledit regi-
stre. & sur le quel des recepueurs il entend
prandre ses gaiges par quartier. En sa con-
que par ledit registre il aparaisse desduitz
lesdictz gaiges come dessus combien il

doibt venir au Roy de nect par chascun
quartier, & sans frais, & q le Roy ait entie-
rement ce quil demãde par les cõmissions.

Ediet general auant faire son depar-
tement sera tenu cheuaucher par
la generalite ou bien soy enquerir aux
officiers des lieux de la fertilite ou steri-
lite cas fortuiz ou autres semblables tem-
pestes pour faire son assiette & esgalle-
ment en conscience la fertilite dune pa-
roisse compensant la sterilité de lautre
paroisse a ce quil ny ait diminutiõ des
deniers du Roy.


Sera fait lediet registre & de-
party en sorte que es deux premiers quar-
tiers de lan soient receus les deux tiers
des tailles & lautre tiers es deux der-
riers quartiers. Et de tout fera lediet
general trois registres semblables, sig-
nez de luy, dont lun il enuoirã au Roy
cõme dessus. Le second le mettra es mains
de son recepueur general, & le tiers le re-
tiendra deuers luy. Et sil aduient mort
daulcuns de la charge ne laissera a fai-
re continuer lannee cõme elle a este
au commencee par lediet registre.

5
Chaſcun recepueur particulier des
tailles ou ſouages ſera tenu dedans
la fin dun chaſcun quartier a porter a
ſes deſpens au lieu & demeure dudit ge
neral, & ſon recepueur general. les de
niers que monte le quartier de ſa recep
te & le mettre es mains dudit recep
ueur general, Au quel recepueur particu
lier ſera baille deſcharge, ſignee deſditz
generaux, & recepueur general portât
acquis & vaſſable.

Et ſi aucun deſditz recepueurs par
ticuliers default de payer dedans
chaſcun quartier, le general & ſon recep
ueur general. pourront enuoyer deuers
ledit particulier a ſes deſpens & le
contraindre comme lon a acouſtume
en matiere de finances & abondant
cōmettre a lexercif, de telle recepte
tel perſonnage qui bon ſemblera au
dit general, aux deſpens dudit par
ticulier iuſques il ait ſatisfait entie
rement & amende le faultes.

Ont leſditz recepueurs parti
culiers cauſe de eulx doulloir
car dedans le xx^e. du premier mois

de chascun quartier fault que les col-
lecteurs des tailles par les paroisses
leur apportent les deniers du quar-
tier. Et en cas de delay faict par les-
dictz collecteurs ont lesdictz recepueurs
vng mois apres a faire leurs diligen-
ces & pourfuytes & peuent faire prē-
dre les plus aparens des paroisses co-
me lesdictz collecteurs iusques ilz soient
satisfaitz. Le tout aux despens des
negligens & puis leur reste vng mois
a apporter les deniers du quartier au

 dict recepueur general. Et d'auantage chascun desdictz re-
cepueurs particuliers des tailles gros &
grands gaiges & si opulens que soit
regarde en chascune recepte sera trou-
ue quelle est deseruie par cōmis qui
prend les prouffictz des quitances q
est vng aultre prouffit oultre les gaiges.
Et au regard de recepueur en chef fait
venir & recoit ses gaiges entiers, sauf q
yen peut auoir aucuns qui donnent
quelq peu de chose a leurd' commis &
vacquent lesd' recepueurs en chef a
d'autres affaires, cognoissans leurs gai-

6
ges ne leur pouoir faillir & grâdemēt
y prouffitent. par quoy doibuent lesd'
recepueurs particuliers des tailles por
ter les deniers de leurs receptes a leurs
despens audict recepueur general par
chascun quartier sans perte de finace
au Roy. Et encores leur demoura grād
prouffit de leurd' gaiges. Toutefois
des recepueurs loingtains ledit general
regardera a leurs gaiges au esgard a ceulx
qui sont plus pres & a ladicte raison &
distance des lieux & des sōmes pour les
voitures leur pourra faire augmentatiō
de gaiges quil chargera hors ce que le Roy
demande & en fera mention par son dit
estat & registre quil enuoira au Roy.

Esdictz recepueurs particuliers chaf
cūne annee finie pour tout cōpte
porteront a la chambre des comptes la cō
mission de la taille lassiette par tolles si
gnez & les quatre descharges signeez des
dictz generaulx & son recepueur gene
ral, des paiemens quilz auront faiz par
chascun quartier avec les quitances des

Les gaiges dofficiers en la recepte.
Es deniers des aides impositions

equiuallens traites droit du quart de
sel & autres semblables subsidez qui
sont au moins doibuent estre baillez a
ferme au plus offrant a la charge de met
tre les deniers entre les mains du recep
ueur des tailles & aides si a les deux
membres des tailles & aides si nō du
recepueur desdictz aides par les demyes
annees dedans le mois prochain suy
uant la dicte demye annee escheue &
baillez entre les mains dudict recepue
ur general au quel par lesdictz generaux
& son recepueur sera baille descharge
signee deulx qui portera acquiet cōme
aud' recepueurs des tailles. Et rendrōt
compte lesdictz recepueurs des aides
en la chambre des comptes l'annee finie
par les bailz des fermes signez & expe
diez de ceulx qui auront baille lesd'
fermes & par lesdictz descharges. ■

ET au regard des deniers venus
du droit de gabelle & sel vedu
en grenier secont tenuz les grenetiers
apporter ala fin de l'annee lesdictz de
niers audict recepueur general ensem
ble des amendes forfaitures & cōfis.

7
cations aduenues en l'annee. Et ce
tiglera le general de la charge par
le papier du contrerolleur dudit gre
nier. Et audict grenetier sera baille
descharge signee dudit general & de
son recepueur general seruāt dacquict.

L Edict grenetier l'annee finie re
dra compte en la chambre des
comptes par le papier de son contre
rolleur le priz fait par ledict general
les certifications des desentes quitāces
des gaiges des officiers du grenier. Et
des charges deues sur ledit grenier si
lesd' charges sont continuees aux ge
neraulx aux eglises & aux villes.

S Si a considerer que les gaiges
des recepueurs des aides & des
grenetiers ne sont a beaucoup pres si
grands que ceulx des recepueurs des
tailles combien quil soient plus diffi
ciles en l'exercit. Et pource soit regar
de par chascun general en sa charge
des fraiz raisonnables pour faire tenir
lesdictz deniers des aides & gabelles
entre les mains du recepueur general
ainsy que dessus. Et desdictz fraiz &

combien ilz monteront en fera mentio
par son registre en mettant ce quil vien
dra nuement au Roy desdictz deniers
desduidz lestdichz charges fraiz & gai
ges dofficiers.

EN france ya de present sept ge
neraulx & chascun general a
lon recepueur ou tresaurier general. cest
asscauoir. Languedouy. pour vne ge
neralite. France & Picardie pour la
seconde. Normandie la tierce. Laque
doc la quarte. Bretaigne la quinte :
Bourgoigne la sexte. Guyenne la
septiesme.

Pour faire tenir en vng lieu les
deniers des sept generalitez ala com
modite & aisance du Roy en ses affai
res fault que ledict seigneur nomme
vng lieu conuenable a son vouloir leur
& commode ou quel il preposera vng
personnage de conscience bonne & ex
perience notable au quel il donnera
charge & pouoir de recepuoir par les
quartiers & demye annee ainly que
dessus les deniers des sept generalitez
Et au quel personnage il enuoiara par

chascun quartier commission signe de
luy & de lun des secretaires des finances
confirmant pouoir de recepuoir desditz
recepteurs generaulx lesditz deniers. Et
sera draissée ladicte cōmission sur les re-
gistres enuoyez par lesditz generaulx
pour tant que montera chascun qrtier
des tailles demye anneés des aides &
l'annee des greniers a sel. [REDACTED]

Avdid perlonnage chascun desditz
recepteurs ou tresoriers gene-
raulx sera tenu dedans le mois prouchai-
suyuant le quartier escheu apporter les
deniers du quartier selon le registre de
son general & retiendra ses gaiges par
quartier. Le quel psonnage pour enseig-
nement & acquiet vallable ausditz recep-
teurs generaulx sera tenu bailler le dou-
ble de la cōmission, du Roy contenant
son pouoir de recepuoir avec recepices
signez du iuge du lieu & dudit pson-
nage ce quil receputa, ou aultrement co-
me il plaira audict seigneur en ordōner.

Esditz recepteurs generaulx ont
gros gaiges pource qlz sont tenus
recouurer les deniers de ce dont ilz sont

comptables a leur despens. Et ou lieu
de faire telz recouuremens a leurs despens
seront tenus apporter a leursditz des-
pens les deniers de leurs charges, au-
dict tresaurier general, sur leurs gai-
ges, & encores y proufiteront grande-
ment.

Tpour reddition de compte la-
nee finie chascun recepueur general
sera tenu presenter en la chambre des
comptes les registres de son general,
avec les doubles deld' commission &
recepicez du psonnage tresaurier ge-
neral, de toutes les finances en lannee
signez come dessus.

SEra expedient que ledict psonnage
tresaurier general soit mue &
change tous les ans a ce quil puisse
rendre son compte au plaisir & vou-

Loir du Roy.
Es recepueurs particuliers & gre-
netiers rendront comptables les recep-
ueur generaulx, & les recepueurs ge-
neraulx le tresaurier general par ain-
sy les deniers ordinaires viendront au
Roy sans aucuns fraiz a les recouurer

9
Et scaura ledit seigneur quil aura en
fonds de finances. Et ce touchant les
deniers ordinaires.

ET au regard des contrecolleurs ge-
neraux pour gaigner leurs gar-
ges seront tenuz aller par leur charge
voir si les collecteurs des tailles ont le-
ue les deniers selon les assietes des tol-
les & si lesditz tolles reuiennēt par ense-
ble & se conforment aux commissions
ottroies & departement fait par ledit
general. Et le reste de leur charge le
Roy le retient a luy & a ceulx par luy
commis a faire la distribution de ses

deniers.
ET quant a leuer les deniers qui
viennent extraordinaires au Roy cō-
me offices vacans temporalite de be-
nefices ou le Roy fait les fruibz siens
droiz de Regalle aubenes biens vacans
prouffitiz de fiefz confiscations forfait-
ures amendes naustrages en marine
venditions traictes extraordinaires dōs
& ottroiz fais au Roy par les subieſz
& aultres casuelz. Le Roy y cōmettra
vng notable pſonnage qui le suyura

& luy seront apportez telz proufitez de deniers extraordinaires. Et de ce sera son contreolleur. le Chancelier. Et ny sera riens faict ne receu sans le sceu dudict Chancelier au quel ledit comis sera tenu bailler ses recepioez ainsi quil recoiura & le Chancelier estant faisi du recepioe sellera les lettres doffices ou daquictz des casuelz pour les coïtez ou psonnes qui en seront chargez ou en ferōt pour suyte. Et de tout fera ledict Chancelier registre de quartier en quartier quil presentera au Roy signe deluy & dudict comis au quel commis il rendra ses recepioez & en fera mention en luy faisant, signer led' registre par ycelluy registre. Et pour faire venir lesd' deniers entre les mains dud' comis & excercer ce q' y escherra a faire serōt enuoyees les commissions au iuges ordinaires de lieux qui viendront ou enuoirōt en court deuers led' chancelier pour y regarder la commission executee.

Edict commis a lextre ordinaire rendra compte au bon plaisir du Roy par le registre du

10
Chancelier quāt a la recepte. Et quant
a la despence par les ordonnātes du Roy.

LA maniere de faire la despence
& expendre les deniers tant ordinai-
res que extraordinaires par raison
& mesure bonne & claire.

E ROY. DES Registres
a luy enuoiez par chascū
general. Cest a scauoir des
tailles ou fouages des aides & des ga-
belles selon quil est contenu en la ma-
niere de recepuoir retiendra en ses cos-
tres les originaulx desditz registres
signez de chascun general en sa char-
ge. Et par lun des secretares de ses
finances ou autre personage qui bon
luy semblera fera faire deux doubles
desditz registres. Lesquieulx dou-
bles il signera & fera signer a lun des
secretares de ses finances. Et lun diceulx
enuoira en la chābre des cōptes ou ont
a coustume compter les recepueurs par-
ticuliers, grenetiers & recepueur gene-
ral dela generalite. Et lautre double
metra es mains de trois notables pso-
nages par luy approuuez & experimē-

tez qui en pourront auoir chascun vng
double. mais celui a eulx baille par le
Roy. le feront garder a la charge de le
representer quat ilz en seront requis.

ET autant en sera fait par le Roy.
de registres de l'extraordinaire
des deniers qui luy seront baillez par le
Chancelier come des registres des gñaulx.

Esditz trois psonages suyuront
le Roy & se assembleront par ense-
ble quat les affaires suruiendront & qlz
seront appellez par le Roy en son cōseil
& disposeront des deniers selon le vou-
loir dudid seigneur & sondit conseil.
Ne pourront riens faire. lun sans les

deux aultres.
Ve chascū deulx fera registre
apart quil aura deuers soy de ce qui
aura este ordōne en despence de fi-
nāces tant par le Roy que par eulx
tant ordinairement que extraordi-
nairement.


Eur pouoir sera quilz pourrōt
poutueoir aux choses ordinaires &
aux affaires extraordinaires nō sans
le commandement du Roy.


11
E sera dict & estime ordinaire
entre lesditz trois psonaiges qⁱl
plaira au Roy leur declarer estre or
dinaire dont il fera estat, cōme lestat
de la maison gaiges dofficiers gardes
chambres aux deniers. argenterie. es
curie. Ausmoufnes Vannerie. faulco
nerie. des cas extraordinaires seront
estimez pensions paiemens de gendar
mes. artillerie fortifications & repa
rations de places enuitaillemēs mu
nitions dons & aultres semblables
cas. esqueulx ny sera riens fait s^{as}
le commandement du Roy.

Pour les deniers ordinaires chaq^{un}
cun quartier fini sera aporte
ausditz trois psonaiges lestat au vray
signe & expedie par ceulx a qui il
appartient & qui en ont la charge
de ce qⁱ monte le quartier cōme cham
bre aux deniers argenterie & escurie
a ce qⁱ lesditz psonnaiges baillent assi
gnations ainsi quilz verront estre al
leure.

Assignation des deniers ordi
naires sera baillie par descharge ex

pedie par lesdictz trois psonnaiges la
quelle ilz adresseront audit tresorier
general. & sera cause & par ycelle man
de prandre quittance dudit officier
ou commis a faire les paiemens de
tel ordinaire nōme en ladicte deschar
ge. le quel sera tenu bailler recepice
signe de luy & de lun des secretares
du Roy. avec ladicte descharge en re
cepuant deniers dudit tresaurier
general. au quel sera adresse ladicte
descharge ou de aultre cōme du cō
mis a l'extraordinaire des deniers
si ladicte descharge y est adresse.

 T au regard de ce que le Roy voul
dra dependre extraordinairement
pour ses affaires lesdictz trois psonages
observeront ce q̄ le Roy mandra & le
registreront en leurs papiers.

 T pour le cas & affaires secretz.
sera mande baillez a tel person
nage la sōme de tant sans declarer
la cause fors par ces motz ou aultre
semblables que le Roy a ordōne luy
estre baille pour employer ainly que
luy a cōmande dont il sera tenu ap

12
porter lampliacion des deniers audict
seigneur laffaire execute. Et ledict pson
nage retourne ledict seigneur y pourra
regarder ou faire regarder par lesditz
trois psonages ou aultres quil voudra
qui verront le compte dudict psonage
& si la sōme a este bien employee &


L sil y a de reste. ~~_____~~
Edict seigneur a moindre fraictz
pourra par luy des capitaines ou
maistres dhostel a compaignez daul
cuns des archiers deses gardes enoier
querir telle sōme que bon luy semblera
a sondict tresaurier general. Mais sur
tout pour euitier confusion & quil ne
soit surprins que la sōme quil enuoira
querir soit registree par lesditz trois p
sonnages quil aura ordinairement
avec luy & bien sen trouuera. ~~_____~~

C Hascun quartier fini lesditz
trois psonnaiges se assembleront
& regarderont par leurs registres la
despence faicte tant ordinairement
que extraordinairement par le comā
dement du Roy. Et deladicte despē
ce en auertiront le Roy. a ce quil sa.

che au vray l'estat de ses finances ce q'il
fera facilement en voyant combien mo-
te chascun registre par quartier tant
des deniers ordinaires que extraor-
dinares. Rapportez aux registres de
la recepte.

E Roy avec lesditz trois persona-
ges doivent faire en sorte qu'il ait tou-
jours en reserve la souldie de trente
mille homes de pied pour trois moys
ce que sera fait facilement en gardant
le premier quartier & baillant le com-
mancement des assignations sur le
second quartier & consecutivement
ce faisant par les quartiers.

Est besoing que telles assigna-
tions soient baillez par les quar-
tiers. Et non au commencement de l'an-
nee pour tout lan ainsy que lon a ac-
coustume faire pour les cas qui survien-
nent sur l'annee. Et suppose q'ce soit
plus grande peine touttefois sera e-
vitee confusion & le fonds des fina-
ces sera tousiours cler. Et est meilleur
bailler l'assignation par quartier des
deniers ordinaires ensemble des ex-

traordinaires qui sont continuez en lan
cōme pensions & autres semblables. Car
par la mode anciēne. l'argent du Roy
estoit ia despēdu aumoins tenu cōme
despēdu des le commencement de lan.
Au moyen que incontīnāt lestat du Roy
faict estoient leuez descharges. Et puy
aduēoit que les assignez par lesdictz
descharges changeoient par mort ou au
tres causes dont ensuyuoit confusio qui
a cause en partie la matiere deleuer ac
quidz laquelle forme nest bōne & est
chose obscure. Et le Roy fera bien de
deffendre telz acquidz. fors ou il sera
question de don. Et quāt au reste tant
des deniers ordinaires q̄ extraordinai
res doibuent estre fais rolles ou escroues
des paiemēs expediez & signez p̄ ceulx
ausquieulx le Roy donera pouoir ce
faire garniz de quitances selon lesdictz
Roilles & escroues. 

Ledit registre desdictz trois pson
nages seruira destat au Roy. Et
l'année finie sera signe arreste & cloix
par lesdictz trois psonnages & enuoie
par le Roy. en la chambre des cōptes

pour faire comptes les comptables nōmez
en ycelluy.

E tresaurier general & le cōmis
aux deniers extraordinaires rendront
comptes en ladicte chambre des cōptes
tous ceulx qui aurōt en manimēt des
deniers du Roy en despence & sera
chascun paye.

E Roy par lesdictz registres desd'
trois psonnages Rapporteez aux regis-
tres de recepte verra facilement en quel
estat seront ces finances, & ce qui sera
reserue desdictz finances ensemble qui
aura lesdictz restes.


Edict seigneur pourra si bon luy
semble a la fin de chascun quartier le-
uer par cōmissio signee de luy. Et de
lun des secretares de ses finances lar-
gent qui sera trouue es mains tant du
dict tresaurier general q̄ du cōmis aux
deniers extraordinaires que sera en
oultre la despence faicte et assignatiōs
baillez sur eulx audict quartier. Et se-
ra mettre ledict argent en quelq̄ lieu
seur pour soubzuenir a ses affaires en
necessite ou soulaiquemēt de son peuple.

14
Et ne sera plus contrainct mettre creues
sur sondit peuple durant lan. Et dudit
argent quil aura fait leuer en aduerti
ra lesditz trois psonnaiges qui en ferōt
registre a part a ce quilz ne assignent
aucun a faulte.

L An Mil cinq censquinze. §16.
§17. §18. §19. §20. §21. Et iul
ques a lan Mil cinq cens. vingt & deux.
Sans y pouoir dōner prouision mon
filz & moy feusmes continuellement
desrobez par les gens de finances.

15

15



Claude

Si nomen meum in laudibus plenius amoret
 Sub meo cognomine dicitur et ~~amoret~~ dicitur

M

Via ego iuncta via cum sim sine cecidit via
 Ad Popule saxis protubante peto

HOC EST

